



五月天的旅行，五月的雪

透早，一陣朋友來阮兜樓跔脚(jih)門鈴，我當好睏，聽著有人咧脚門鈴實在是真煩，離開我的眠床，拖毋甘願的跔步去開門。門才開一半，恐怖的叫聲就直接貫(kng)過門枋(phang)迴(thàng)到我的耳空。「啥？你猶未換衫hoo！你敢袂記得今仔日欲去看五月雪啊？」一向喉嚨空上大的阿庭目調激甲大大蕊咧(teh)喝。

「五……五月雪？」我雄雄想起昨暗，欲睏進前接著的「通知」。這聲，我真正完全醒矣(--ah)。「歹勢啦！予(hōo)我十分鐘，我馬上落來！」

幾分鐘後，阮就已經佇(tī)前往山頂的路裡looh！

沿路，阮那騎車那唱歌，這是阮這陣朋友的特殊習慣。雖然騎車的俗(kah)坐車的攏腰痠背疼，毋過時間佇阮「快樂的出帆」、「滿山春色」、「四季紅」的歌聲中真緊就過去矣。

「看著矣！看著矣！我看著五月雪looh！」車拄(tú)幹(uat)入去小路，就看著山頂有一大片開甲白白白的五月雪。因為是頭一擺看著，害我歡喜甲共形象攏抨(phiann)無去矣。

阮車騎咧一直對山頂楚(séh)去，綴(tuè)小路彎來彎去，總算到勝興車站矣。阮躡(nng)過充滿客家風情的街路到勝興車站，遐(hia)真正是一个好所在，而且聽講勝興車站是全台灣上懸的車站，既然無法度到玉山攻頂，毋過至少攻到上懸的車站，嘛(mā)有享受著上懸的感覺！阮趕緊共車停好，做一睏衝到車站鐵枝路邊。雖然彼(hit)工天氣真燒熱，毋過柔軟的風吹佇阮的身軀，敢若(kán-ná)咧掖(iā)五月雪，唱風的歡迎曲，歡迎阮來到遮，阮的心情隨就變甲真爽快！

為著欲做一个好遊客，阮非常負責任佇四界翁(hip)相，對非常有歷史的車站，真久無火車經過的鐵枝路到烏mà-mà的磅空，完全無想欲放過這個美麗的所在任何一个特別的角落。除了翁相以外，另外一項做遊客一定愛做的代誌就是頓(tng)紀念章啦！所以我買一本紀念冊，佇紀念冊頂懸頓一堆大大細細的紀念章，感覺真滿足，然後才予彼陣趕緊欲去磅空耍的朋友換(giú)到磅空邊去。

本來到磅空是為著欲翁相，尾仔發現佇磅空內底有囡(khng)真濟有關勝興車站的紹介牌，順紹介牌，規陣人不知不覺煞行到磅空內面。阮毋知影佗位來的懸(gōng)膽，竟然決定繼續往內底行入去。行咧行咧，磅空愈來愈深，愈來愈暗，阮敢若予人吸入去宇宙的烏洞，看袂著盡頭。

「內面敢若會有鬼仔！」一向膽上在的阿庭竟然開始驚惶。

我感覺好笑，就決定共伊創治。「有啊！」想袂到阿庭驚一下共我掠甲緼(ân)緼。我趕緊

共伊講：「就是你這個無膽鬼啦！哎哟！驚啥？咱頭前後壁毋是有阿豪個遮的查埔？安啦！」

因為佇磅空內底啥物攏看袂著，我干焦(nā)會當聽著頭前阿豪踏著石頭佾鐵枝路的跔步聲，綴伊的節奏慢慢仔行。毋知影行佹(juā)久，阮總算看著遠遠的所在有一點圓圓的光。阿庭欸(tháu)一口氣，慢慢仔將伊共我掠甲經經的手放開。這個時陣我的頭殼內煞浮現一个想法，我問阿庭：「咱敢會躑(nng)過時空轉去到過去矣？磅空的彼頭敢會是公元三〇〇八年啊？彼𠵼(ping)敢會是四次元空間？」

「Hoo！你電視看傷濟looh！你是講你佇咧拍電影乎(--honnh)？猶有，為啥物一定愛是三〇〇八年？」阿庭因為看著出口傷歡喜，一點仔嘛無發覺我是真認真咧問這個問題。

「你無聽人講過千年之戀乎？所以當然一定愛是三〇〇八年啊！」解答阿庭的恍(giâu)疑了後，我閣開始思考彼个佾時空有關的問題。我開始想，若會當轉來去過去，我想欲轉去啥物時陣。這個問題真正真重要，因為一个人若會想欲轉去過去，一定是對過去的某件代誌猶有眷戀、後悔、思念、牽掛……。所以，會想欲重新閣體驗一擺，抑是改變結局。就佇我的頭殼用一秒鐘行過一千光年的速度，共我到目前為止二十幾年生涯的錄影帶看過一擺了後，我做一個驚天動地的偉大決定。我，決定無愛轉去過去！當然，我嘛無愛去未來。因為現在的我真幸福，所以閣再去研究過去實在無意義；如果我看著未來，真可能會予現在的我失去目標，失去拍拚的動力。所以干焦看現在，把握現在，我就是幸福的！

就佇我思考煞這件人生大事的時，阮總算行出磅空矣。就佇我的目矚重新適應日頭溫暖的光線了後，我發現……

為欲閣再次確定這個殘酷的事實，我提手機仔對時間，順繼(suà)確定有訊號無……。無毋著！真的！是真的！阮真正非常不幸猶佇咧二〇〇八年。

「哇！真濟五月雪！」一看著五月雪，我馬上共拄(tú)仔彼一大堆奇怪的想法擲甲遠遠去矣。五月雪佇鐵枝路邊輕輕仔落(lak)落來，白白的五月雪佇金黃色的日頭光下跔跳舞，這是佹(juā)美麗的畫面啊！刁工假影無看著彼陣——佇燒燙燙甲會當炒鐵板燒的鐵枝路頂「臥軌」的查埔，我提出拄仔佇車站買的紀念冊，共一蕊一蕊對天頂落落來的花蕊，誓(teh)入去我的記憶內底，將伊的美麗保鮮。

嘛可能是頭拄仔予磅空裡的烏暗驚著，所以阮決定行頂面的路轉去車站。毋過拄行無三分鐘，我就後悔矣。惡毒的日頭閣愛跔(peh)崎的山路，予我甘願轉去行彼伸手看無五指的磅空。毋過尾仔阮行起去一條古道，那看自然美景，真緊就轉來到車站，閣加一擺特別的經驗。

因為跔山跔甲四肢無力，所以阮中晝就佇車站頭前，充滿正港客家風味的街仔解決。客家菜真合我的口味，酸閣簽(hiam)，實在是真好食。阮食客家小炒、客家叛條、擂茶……，尤其佇熱天食一碗剉冰，實在是真爽快。食飽了後，佇真有客家氣味的街仔覓(séh)覓咧，阮就欲離開這個充滿特色，予人感覺爽快閣趣味的所在ooh！

既然到勝興車站，當然袂使錯過龍騰斷橋啦！阮繼續騎車，覓彎來彎去的山路，無佹(juā)久就看著龍騰斷橋矣！龍騰斷橋是一座紅色的磚仔起的斷橋遺蹟，是舊山線第一个名景，予人號做「台灣鐵路藝術極品」，真正是當之無愧啊！龍騰斷橋起佇九十年前，今仔日總算予我親目矚看著。這陣佇我的心內，浮起一種因為尊敬所引起的感動！因為龍騰斷橋是袂使摸的古蹟，所以阮一陣人那食古早冰那向龍騰斷橋行注目禮，繼落來就到三義街仔看木雕。

轉去厝裡的時有經過豐原，嘛拄好是食晚頓的時間，所以阮決定去覓豐原夜市。

豐原夜市上有名的就是排骨酥麵恰王梨冰，我一向上愛食。一到豐原夜市，阮直接去揣(tshuē)排骨酥麵。賣排骨酥麵彼間店雖然無大，毋過生理真好，個的排骨真入味，而且入口就化開，莫怪會頂港有名聲，下港有出名。排骨酥麵食煞，毋甘願就按呢轉去，所以閣食肉圓，閣食冰，食飽啉(lim)足了後，覓夜市當做消化運動，尾仔才歡喜滿足結束一工的旅行。

一工的旅行，予我看著台灣的精、台灣的趣味、台灣的多彩多姿，有閒較捷出來行行看看，認識家己的故鄉，嘛認識家己！

創 作 理 念

藉著出遊的經過紹介台灣景點恰客家特色，用輕鬆闊趣味的語調為台語創作注入新的性命力，跳脫大眾對台語文學攏是離袂開鄉村鄉土的刻板印象，台語創作嘛會當真有趣味，少年有活力！

賴淳茹

中山醫學大學台灣語文學系

